



## Sianginn mibu Ngakchia Himnak Ziaza lei Upadi

Christ the King Primary School  
16/9/2016

### ***Christ the King Primary School: Ruahchannak chungah kan nung ti i kan cawn ti bantukin kan i dannak kha Zumnak a ngeimi mibu nih Kuhchihnak***

#### **Biahmaithi**

Hi Ziaza lei Upadi nih aa hmaithlakmi cu **Christ the King Primary School** i kan siangngakchia le mino pawl nih nu le pa sinak lei, taksa lei, thinlung ruahnak lei le lung duhnak lei volhpamhnak asilole khihramh lonak doh in humhimnak caah a si. Sianginn i 'Cawnnak a ngeimi Ngakchia Himnak Ziaza lei Upadi' bawmchanh ding le nulepa pawl le sianginn mibu chungtel pawl caankhat lio ah mah lungtho in riantuan piaktu bantukin a rak tuanmi i an i ruahchanmi a sullam ngeihter dingah [Victorian Acozah Vuanci rian he aa pehtlaimi Nawlchuahnak No 870](#) ( [Victorian Government's Ministerial Order No 870](#) ) he aa tlaknak in tuahmi a si.

#### **Tinhmi**

Hi Ziaza lei Upadi i aa tinhmi cu siangngakchia asilole mino pawl sinah aa tlakmi ziaza kha upa pawl nih a tliangmi ruahchannak pawl chiah dingah a si. Aa tinhmi cu ngakchia pawl runven ding le volhpamhnak caantha tlawmter ding asilole ngakchia fahnak peeknak tlawmter ding a si. Hi Ziaza lei Upadi cu siangngakchia pawl asilole mino pawl a tha bik in bawmhnak lam le a harmi dirhmun kha hrial asilole tha deuhin tawlirelnak lam cungah lamhmuhsaknak he a hruaitu sianginn chungum mibu chungtel pawl ca zongah a si.

#### **A huapmi**

Hi Ziaza lei Upadi cu nulepa dihlahk, nulepa dirhmun in mah lungtho tein a dir piaktu dihlahk, sianginn i riantuan bu chungtel dihlahk asilole nulepa funtomnak bu le sianginn caah mah lungtho tein a tuanmi minung poahpoah caah hman a si. Hi upadi cu **Christ the King Primary School** i 'Ngakchia he aa pehtlaimi Riantuannak pawl' chungah aa telmi sianginn mibu chungtel pawl caah hman a si. Hi Ziaza lei upadi cu rel ding le Mah lungtho tein riantuan piaktu tavuan langhtermi he pehtlaihnik ngei i minthut ding a si.

#### **Ngakchia he aa Pehtlaimi Riantuannak**

Ngakchia he aa Pehtlaimi Riantuannak timi cu hi ti hin fianter khawh a si: '*Ngakchia pawl um lio ah asilole um dingin ruahmi ah Sianginn i Sianguk nih nawlchuahmi rian, Hruainak lei Phu chungtel pawl asilole sianginn pawngkam chungah Sianginn Riantuan bu upa pakhat nih tuahmi rian*'.

Hi Sianginn Mibu Ngakchia Himnak Ziaza lei Upadi aa tinhmi cu 'Ngakchia he aa Pehtlaimi Riantuannak' i aa telmi cawlcanghnak ah nulepa bawmtu, khual biakchawntu, sianginn riantuan bu i chungtel pawl asilole nupa funtomnak bu bantukin mah lungtho tein riantuannak hi a si. Hihi riantuantu phu pawl, zohkhenhnak lei rian pawl, sianginn i lentecelh cawlcanghnak pawl, hlasaknak lei timlamhnak pawl asilole a dang cawlcanghnak pawl ah mah lung tho tein riantuan piaktu sianginn mibu chungtel pawl ca zongah hman a si.

## Cohlaan khawhmi ziaza pawl

Nulepa dihlak, mah lungtho in riantuan piaktu dihlak, khawntrek a latu dihlak, sianginn riantuan bu asilole nulepa funtomnak bu pawl cu kan ngakchia pawl, mino pawl le sianginn chungum mibu pawl himnak lei bawmhnak caah a tanglei 'cohlaan khawhmi ziaza pawl' zulhnak in tavuan ngei an si:

- » Sianginn Mibu Ngakchia Himnak Ziaza lei Upadi (Hi Upadi) le pehtlaihna a ngeimi ning le cang kha ze caan paoh ah i tlaih peng nak.
- » Siangngakchia & mino pawl volhpamhnak phun zakip chungin runven dingah sikhawhnak a ngeimi dihlak kaarhlaannak ngeihnak
- » Siangngakchia le mino pawl dihlak nih anmah pumpak zalonnak an ngeihmi le an innchungkhar pawl upatnak.
- » 'Ngakchia he aa Pehtlaimi Riantuannak' ah aa telmi pawl kha zeitikhmanh ah anmah lawngin siangngakchia asilole mino he kal taak an si lai lonak kha zeitik caan paoh ah felfai tein tuahnak. A si khawh nak hmun poah ah siangngakchia le mino pawl cu a bu in zeitik caan paoh ah um lengmang A si khawh lo ahcun, 'Ngakchia he aa Pehtlaimi Riantuannak pawl' dihlak kha zapi hmuh khawhnak le hmuh khawhnak pawngkam ah chia i zuam ding a si i **Christ the King Primary School** zung riantuantu chungtel/pawl he naihna ah a si lai.
- » Siangngakchia pawl, mino pawl, zung riantuan pawl, a dang nulepa pawl & riantuan piaktu pawl telhchih in sianginn mibu chung aho paohpaoh upatnak he chawnhbiaknak Hihi ah hin an ruahnak pawl le hmuhning pawl ngaih le man ngeihternak aa tel.
- » Siangngakchia hmuhning pawl le duhnak pawl kha ngaih piaknak le lehnak tuahnak, a hleii anmah asilole a dang siangngakchia kha volhpamh a ton i/asilole an himnak kong asilole a dang ngakchia himnak kongah lungrethei in an in chimh ahcun. Hi phuannak pawl cu ruahnak petu a simi cachimtu sinah thil a cangmi kha a hmasa ah ripawt peek a si lai, cun sianginn Hruainak lei Phu chungtel pakhat asilole Ngakchia Himnak lei Bawi sinah rianrang in ripawt peek a si lai.
- » Siangngakchia dihlak an i dannak kha hngalh piak thiamnak, Aboriginal siangngakchia pawl, nunphung le/asilole holh in aa dangmi siangngakchia pawl, pum tlamtling lo siangngakchia pawl, hawi tluk lo siangngakchia pawl le mino pawl an herhmi telhchih in (rikhiah piaknak um loin).
- » Cawlcanghnak dihlak chungah siangngakchia & mino dihlak nunphung himnak, teltumnak le thazaang thawnternak, a dangmi nunphung in a rami pawl telhchih in.
- » Bawmchaantu a simi & upat tlak a simi a dang sianginn mibu chungtel pawl le an ngakchia pawl he pehtlaihna ngeih peng.
- » Ngakchia himnak lei phunzainak pawl, lunghrinhmi volhpamhnak, 'Sianginn Mibu Ngakchia Himnak Ziaza lei Upadi' phuannak pawl asilole nawlbuarnak dihlak cu thil a cangmi kha a hmasa ah ruahnak petu a simi cachimtu sinah ripawt peek, cun sianginn Hruainak lei Phu chungtel pakhat asilole Ngakchia Himnak lei Bawi sinah rianrang in ripawt peek.
- » Ngakchia volhpamhnak cu tuah a si ko tiah fiang tein hngalh a si ahcun, siangngakchia/pawl asilole mino/pawl himnak kha a ran khawh chungin tuah, cu hnu ah Sianguk, Sianginn i Hruainak lei Phu chungtel pakhat asilole Ngakchia Himnak lei Bawi sinah a ran khawh chung rang in ripawt peek.

## Cohlaan khawh lomi Ziaza pawl

Nulepa dihlak, mah lungtho in riantuan piaktu dihlak, khawntrek a latu dihlak, sianginn riantuan bu asilole nulepa funtomnak bu nih tuah hrimhrim lo dingmi cu:

- » Ngakchia himnak lei phunzainak pawl, lunghrinhmi volhpamhnak, 'Sianginn Mibu Ngakchia Himnak Ziaza lei Upadi' phuannak pawl asilole nawlbuarnak paohpaoh a biapi ah chia lo asilole zeirel loin um.

- » Siangngakchia asilole mino pakhat khat cungah thihphaihnak, nihsawhnak, volhpamhnak, zaangennak, hrocernak asilole zeirel lonak a phorzartu asilole phorzar khawhnak a ngeimi sianginn mibu a dang chungtel pawl he pehtlaihnak ngeih.
- » ‘Ngakchia he aa Pehtlaimi Riantuannak pawl’ ah i tel khawhnak tibantuk a thlithup in theihternak mah ngakchia pawl chimnak telhchih in sianginn mibu chungtel pakhat he phuanchuah. (siangngakchia asilole mino i cawnnak leiah a thazaang thawnnak asilole a derthawmnnak pawl minung pakhat khat he ceihhmainak tbk...,)
- » Dawt hleimi sinak bantuik hmuh khawh dingmi (laksawng peeknak asilole a dang tein thleimi siangngakchia pawl a hleiin congghramhnak tibantuk) siangngakchia asilole mino pawl he ‘a hleiin’ pehtlaihnak pakhat khat tuah.
- » A herh theng lomi taksa lei in a sullam rak i langh khawh dingmi ziaza pawl siangngakchia asilole mino pawl he langhter.
- » Siangngakchia asilole mino nih an mah caah anmah tein an i tuah khawh dingmi (tahchunhnak ah zunput kal asilole thil thlennak) ah pumpaak in thil tuah piak.
- » Siangngakchia asilole mino pawl hmai ah nutling patling asilole upa sinak he zalong in biaruahnnak ngeih.
- » ‘Ngakchia he aa Pehtlaimi Riantuannak pawl’ ah siangngakchia asilole mino an i tel lio ah a dik lo ning in biachim asilole nuncan ziaza chimh.
- » Siangngakchia asilole mino pawl he fawn nambar pawl, awnlai in pehtlaihnak pawl asilole imel kuatnak pawl tibantuk pumpaak pehtlaih khawhnak dikthlir in i thlen.
- » Siangngakchia asilole mino pawl he ‘awnlai’ le imel, awnlai in pehtlaihnak, cakuatnak in asilole a dangdang in nawlpeeknak um loin pehtlaihnak tuah.
- » Minung in asilole ‘awnlai’ in chawnhbiaknak ah aa dawhcah lomi asilole neknak a simi a theitu caah phundang in ngaih asilole hmuh sual dingmi ziaza asilole teltumnak ngeih. A hlein in Aboriginal le nunphung dang in a rami siangngakchia, mino pawl sinah. Hi ah hin siangngakchia, mino asilole sianginn mibu chungtel pakhat khat cungah niamternak, nihsawhnak, thihphaihnak asilole hrocernak lei in ruahnak pawl phuannak asilole hmuhning chimnak aa tel.
- » Siangngakchia pawl, mino pawl le sianginn mibu a dang chungtel pawl hmai ah dawhcah lo holh hman.
- » Siangngakchia pawl, mino pawl asilole sianginn mibu a dang chungtel pawl he asilole hmai ah khatlei kam lawng tanhnak, in awk a harmi ziaza asilole holh hman.
- » Siangngakchia pawl, mino pawl le sianginn mibu a dang chungtel pawl hmai ah nunphung, phun hram, miphun, nu le pa sinak asilole pum tlamtlinlonak cungah pumpaak hmuhning pawl langhter.
- » Siangngakchia, mino asilole sianginn mibu chungtel pakhat khat i a nunphung, phun hram, miphun asilole pum tlamtlin lo ruangah thleidan.
- » Phung nih awnh lomi rithai sii asilole zu nih suainak asilole teinak he sianginn kai.
- » Sianginn chungah Sianguk asilole Hruainak lei Phu chungtel pakhat hngalhpinak le hnatlakpinak um lo in sianginn nih a ngeihmi puai ah asilole siangngakchia le mino pawl hmai ah zu din.
- » Sianguk asilole Hruainak lei Phu chungtel hnatlakpinak tel loin siangngakchia asilole mino vidio asilole hmaanthlak.

### Hi Ziaza lei Upadi Zulh ding Tlohnak

Nulepa pawl, nulepa dirhmun in mah lungtho tein a dir piaktu pawl, sianginn i riantuan bu chungtel pawl asilole nulepa funtomnak bu cu hi Ziaza lei Upadi chungah tuah awk a simi, tavuan asilole tuanvo pakhat khat ah nawlbuarnak an ngei tiah lunghrinhnak a um cun **Christ the King Primary School** nih a rannak in cu kong ah hma a lak colh lai. Hi Ziaza lei Upadi nawlbuarnak a um ko tiah zumh ah cun Victorian Palik sin ah kuat a si lai.

### Theihternak

Hi Ziaza lei Upadi hi ka rel cang i kaa fiang cang, **Christ the King Primary School** i siangngakchia pawl, mino pawl le a dang sianginn mibu chungtel pawl caah nu le pa sinak lei, taksa lei, thinlung ruahnak lei le lung duhnak lei volhpamhnak asilole khihhramh lonak doh in a humhimtertu ziaza ngeih dingah ka hnatla.

Min: \_\_\_\_\_

Minthut: \_\_\_\_\_

Nithla: \_\_\_\_\_